



DEPUTACIÓN PROVINCIAL
A CORUÑA

SERVIZO DE PATRIMONIO E CONTRATACIÓN



Ayuntamiento de A Coruña
Concello da Coruña

Número 101 /2025

ADDENDA AO CONVENIO DE COLABORACIÓN NÚMERO 104/2021 ENTRE A EXCMA. DEPUTACIÓN PROVINCIAL DA CORUÑA E O INSTITUTO MUNICIPAL CORUÑA ESPECTÁCULOS (IMCE) DO CONCELLO DA CORUÑA PARA A XESTIÓN COMPARTIDA DO TEATRO COLÓN

Na Coruña, a 7 de novembro de 2025, na sede da Deputación Provincial da Coruña,

Ante min, Miguel Iglesias Martínez, Secretario Xeral da Deputación Provincial da Coruña, como fedatario actuante

REUNIDOS

Dunha parte, Don Xosé Penas Corral, representante da Deputación Provincial da Coruña

Doutra parte, Don Gonzalo Henrique Castro Prado, representante do IMCE.

Actuando no exercicio dos seus respectivos cargos, e na representación que ostentan, ambas as dúas partes recoñécense reciprocamente capacidade suficiente para subscribir a presente **ADDENDA AO CONVENIO DE COLABORACIÓN ENTRE A EXCMA. DEPUTACIÓN PROVINCIAL DA CORUÑA E O INSTITUTO MUNICIPAL CORUÑA ESPECTÁCULOS (IMCE) DO CONCELLO DA CORUÑA PARA A XESTIÓN COMPARTIDA DO TEATRO COLÓN**, a cuxos efectos

ANTECEDENTES

1.- Con data 21 de decembro de 2021, o Pleno da Corporación Provincial aproba o texto e a formalización do convenio de COOPERACIÓN ENTRE A EXCMA. DEPUTACIÓN PROVINCIAL DA CORUÑA E O INSTITUTO MUNICIPAL CORUÑA ESPECTÁCULOS (IMCE) DO CONCELLO DA CORUÑA PARA A XESTIÓN COMPARTIDA DO TEATRO COLÓN

2.- O 29 de decembro de 2021 asínase o convenio de cooperación entre a Deputación Provincial da Coruña e o Instituto Municipal Coruña Espectáculos (IMCE) do Concello da Coruña para a xestión compartida do Teatro Colón. O convenio formalízase en documento administrativo número 104/2021.

3.- De conformidade coa cláusula undécima do convenio, "Duración e vixencia", por acordo plenario do 20 de decembro de 2024 apróbase a prórroga do Convenio de cooperación entre a Excma. Deputación Provincial e o Instituto Municipal Coruña Espectáculos do Concello da Coruña para a xestión compartida do Teatro Colón polo IMCE desde o día 1 de xaneiro do 2025 ata o día 31 de decembro de 2025.

4.- A Comisión de Seguemento do Teatro Colón, celebrada o 1 de setembro de 2025 acordou a promoción conxunta do espectáculo "MANHE" de Fransy e a Orquesta de Cámara Galega, un traballo no que a esencia é a raíz: as voces e pandeiretas de tantas mestras anónimas que se recoñecen nunha personalidade única e irrepetible. Fransy é unha referencia ineludible da nosa música e a súa voz e a súa pandeireta abundan. "Manhe" é a conxunción da nosa herdanza ao encontro da Orquesta de Cámara Galega. Máis de vinte músicos en escena que acompañan a Fransy e unha grande orquesta de corda que arrola as nosas músicas máis auténticas, elegancia e forza, modernidade e tradición. Un repertorio arranzado por Pedro Lamas para esta celebración e baixo a dirección de Rogelio Groba.

5.- Por todo o exposto, ambas partes acordan asinar a seguinte addenda de acordo co seguinte clausulado.

CLAÚSULAS

1ª.- OBXECTO

A presente **ADDENDA AO CONVENIO DE COLABORACIÓN ENTRE A EXCMA. DEPUTACIÓN PROVINCIAL DA CORUÑA E O INSTITUTO MUNICIPAL CORUÑA ESPECTÁCULOS (IMCE) DO CONCELLO DA CORUÑA PARA A XESTIÓN COMPARTIDA DO TEATRO COLÓN** ten por obxecto coordinar as actuacións para a promoción e financiación da representación do espectáculo "MANHE" de Fransy e a Orquesta de Cámara Galega, que se celebrará no Teatro Colón o día 23 de novembro de 2025.

2ª.- ORZAMENTO, FINANCIACIÓN E FORMA DE PAGO DA ACHEGA PROVINCIAL

1. O orzamento ascende a **31.532,60** euros que se desglosan de acordo coa seguinte táboa:

CONCEPTO	IMPORTE
Unha representación do espectáculo "MANHE" de Fransy e a Orquesta de Cámara Galega" o 23/11/25	26.060 €
IVE 21%	5.472,60 €
TOTAL	31.532,60 €

2. A Deputación financiará ata un importe máximo do 50% do orzamento, é dicir, ata un máximo de 15.766,30 euros. O aboamento farase con cargo á aplicación orzamentaria 0112/3335/22609 e empregando o nivel de vinculación xurídica.

3. A recadación que xere o evento de billeteira neta minorará a aportación da Deputación e do IMCE en partes iguais.

4. O importe corresponde á aportación da Deputación aboarse ao IMCE, previa presentación da seguinte documentación:

- Factura da empresa organizadora.
- Certificación da recadación de taquilla.
- Breve memoria do espectáculo, indicando número de asistentes.
- Xustificación da constancia da colaboración da Deputación nos medios de comunicación, carteis e programas.

5. Corresponde ao IMCE o abono do importe do espectáculo á compañía (31.532,60 €).

O aboamento farase con cargo á aplicación orzamentaria 334/227.91

3ª.- CONTRATACIÓN

O IMCE adxudicará, contratará e aboara o presente espectáculo á compañía.

Os gastos correspondentes á Asociación Xeral de Autores serán aboados polo Concello da Coruña ou pola empresa produtora do evento.

4ª.- PUBLICIDADE

En todos os carteis, programas e na difusión nos medios de comunicación constará a colaboración e financiación da Deputación.

5ª.- VIXENCIA

A vixencia do presente convenio, a efectos de presentar a documentación xustificativa é o 30 de decembro de 2025.

6ª.- RÉXIME XURÍDICO

En todo o non previsto na addenda, rexérase polo establecido no convenio.

O resto da clausulado mantense no mesmo sentido que o establecido no convenio número 104/2021 asinado o 29 de decembro de 2021.

Faise constar que a presente addenda foi aprobada por acordo plenario de data 31 de outubro de 2025.

En proba de conformidade, ambas partes asinan por duplicado exemplar a presente addenda, no lugar e data sinalados ao inicio.

O REPRESENTANTE DA
DEPUTACIÓN PROVINCIAL DA CORUÑA

O REPRESENTANTE DO INSTITUTO
MUNICIPAL CORUÑA ESPECTÁCULOS (IMCE)

Asdo.: Xosé Peñas Corral

Asdo.: Gonzalo Henrique Castro Prado

O SECRETARIO XERAL DA
DEPUTACIÓN PROVINCIAL DA CORUÑA

Asdo.: Miguel Iglesias Martínez